

فيديو # ٧٣٦ من مقاطع حظر التجول تدبر سورة الشمس

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ستمية سبعة وتلاتين من مقر قاطع حظر التجول الحلقة الوحيدة من حلقات تدبر سورة الشمس ارجو من حضراتكم تجميعوا المصاحف - [00:00:01](#)

سورة الشمس سورة مكية نزلت في النصف الاول من الفترة المكية ترتيبها في المصحف العثماني رقم واحد وتسعين اسمائها سورة الشمس وده الاسم الاشهر والمستخدم في المصاحف والاسم الثاني هو سورة والشمس وضحاها - [00:00:25](#)

والاسم الثالث هو سورة والشمس نقرأ السورة مع بعض ان شاء الله اعوذ بالله السميع العليم من الشيطان الرجيم بسم الله الرحمن الرحيم والشمس وضحاها. والقمر اذا تلاها. والنهار اذا جلاها. والليل اذا يغشاها - [00:00:46](#)

والسما وما بناها والارض وما طحاها ونفس وما سواها فالهمها فجورها وتقواها. قد افلح من زكاها وقد خاب من دسر ساءها كذبت ثمود بطغواها. اذ انبعث اشقاها فقال لهم رسول الله ناقة الله وسقياها. فكذبوه فعقروها فدمدم عليهم ربهم - [00:01:10](#)

بذنبهم فسواها ولا يخاف عقباها لما ننظر على الصورة دي نجد انها بدأت بعدة اقسام. اقسام جمع قسم اقسام الله عدة اقسام بالشمس وباشياء تتعلق بالشمس. ثم اقسام بالسما وبالارض واقسم بنفسه عز وجل - [00:01:47](#)

ثم اقسام بالنفس الانسانية تعالوا نشوف اول مجموعة اقسام المتعلقة بالشمس اقرا معي من الاية واحد للاية اربعة والشمس وضحاها والقمر اذا تلاها والنهار اذا جلاها والليل اذا يغشاها ثم ناخذ ثاني قسم من من اقسام من الاقسام - [00:02:12](#)

والسما وما بناها والارض وما طحاها. ربنا هنا يبيقسم بالسما والارض وبه او وبخلقها ماشي ثم تالت مجموعة اقسام بالنفس الانسانية ونفس وما سواها فالهمها فجورها وتقواها ثم جواب القسم بقى - [00:02:42](#)

وده قمة الصورة. ده محور السورة نفسها قد افلح من زكاها وقد خاب من دساها دي قمة السورة لان الله سبحانه وتعالى اقسام كل هذه الاقسام عشان هذا الجواب. هو ده المقسم عليه - [00:03:08](#)

ان اللي زكى نفسه افلح واللي دس نفسه يعني لوثها ده اللي خاب قمة السورة هي ان الله سبحانه وتعالى قد ترك للانسان الاختيار التام والحرية التامة في ان يزكي نفسه يعني - [00:03:27](#)

ونظهرها وينميها ويحسن منها وان فعل ذلك افلح قد افلح من زكاها او ان يدسي نفسه ويفسدها. فان فعل ذلك خاب وقد خاب من دسه العجيب وان الله سبحانه وتعالى اعطى الانسان نفس - [00:03:44](#)

مممكن تمشي لقدام وممكن تمشي لورا ونفس وما سواها. فالهمها فجورها وتقواها. انت بقى اللي هتجيب قدام او هتجيب ورا يعني انت ربنا الهم النفس الانسانية السيناريوهين. سيناريو الفجور موجود - [00:04:07](#)

وسيناريو التقوى موجود حتى يكون للانسان الاختيار بمنتهى الحرية لو النفس ملهمة التقوى فقط ولم تلهم الفجور ستصبح عاجزة عن الفجور. فتصبح نفس ملائكية. زي الملائكة كده. لا يعصون الله ما امرهم - [00:04:25](#)

مش نفس انسانية ولو نفس ملهمة الفجور فقط ولم تلهم التقوى تصبح عاجزة عن التقوى فتصبح نفس شيطانية ليك لكن النفس الانسانية نفس متوازنة عشان كده ربنا في الاية سبعة قال ايه؟ ونفس وما سواها - [00:04:50](#)

بيقسم بالنفس اذا النفس دي حاجة عزيمة جدا النفس هي مزيج من الروح والجسد مع بعض مزيج من الشهوات والهوى ومزيج ايضا من العقل والقلب والعقل بالعلم اللي فيه والحكمة اللي فيه - [00:05:13](#)

والقلب بما فيه من ايمان بتملاً مشاعر الانسان. قلنا القلب قبل كده هو مجموع مشاعر الانسان ونفس وما سواها. ربنا يبيقسم بتسوية

النفس نفسها. في في دي اسمها مال مصدرية - 00:05:38

اللي هي بيحي بعدها فعل بتقلبه الى بتقلب هي والفعل الى مصدر الفعل. ونفس وما سواها يعني الراجل ييقسم وبتسوية النفس سواها يعني جعلها سوية صحيحة متزنة جيدة. الاكل استوى يعني جاهز - 00:05:56

لا اتحرق ولا هو لسه ني الارض مستوية يعني ينفع نبني عليها وينفع نزرعها خلاص؟ النفس استوت امتى؟ امتى النفس اصبحت مستوية لما ربنا ايه فالهمها فجورها وتقواها الهام الفجور تسوية؟ ايوه - 00:06:20

الهام الفجور والتقوى مع بعض تسوية. لان هي دي خصائص النفس الانسانية امال ازاى الانسان هيختبر في الدنيا؟ بين الحق والباطل اذا كان عاجز عن اختيار الباطل يبقى ما فيش اختبار - 00:06:40

اذا كان عاجز عن اختيار الحق يبقى ما فيش اختبار فلابد من الهام النفسي اللاتين لازم يكون قادر بحرية على اختيار الحق او اختيار الباطل عشان تصبح الحياة اختبار تخيل انت تخش مسلا اختبار وقدامك آآ اسئلة والاجابات المقترحة وتيجي تختار اجابة -

00:06:56

ما ترضاش تعلم. الله! طب انت بتدوس عليها. ده اختيارك. يقول لك لأ مش هينفع تاخذها. طب ده مش اختبار بقى. لو هو اللي هيقول لك الاجابات. طيب مسلا خيلنا نبدأ الصورة من الاول - 00:07:17

والشمس وضحاها نبدأ الصورة من الاول والشمس وضحاها والقمر اذا تلاها والنهار اذا جلاها. والليل اذا يغشاها والشمس وضحاها الضحى هو نور الشمس. عندما تشرق لذلك سمي وقت الضحى بالضحى لان وقت اكثر وقت فيه نور. النور نور الشمس على اقصاه واخذ اقصاه - 00:07:31

ربنا اقسام والشمس وضحاها ان ربنا ييقسم الشمس وبنورها عندما تشرق ثم اقسام بالقمر عندما يتلو الشمس. يعني بيحي بعدها والقمر اذا تلاها الاول ثم التالي. فربنا اقسام ايه؟ بالقمر اذا تلا الشمس - 00:08:03

والنهار اذا جلاها وجل يعني اظهر ووضح طبعا مش النهار اللي بيوضح الشمس. ده الشمس هي اللي لما بتطلع بيطلع النهار. لكن الاية استخدمت اسلوب بلاغي فني جميل جدا فاعتبرت النهار هو اللي بيجلي الشمس - 00:08:29

والاية اللي بعدها اعتبرت ان الليل هو اللي بيغشي الشمس يعني بيغطيها كمان والليل اذا يغشاها ربنا اقسام بالشمس وبكل حالاتها وقت الضحى لما تكون النور على الاخر. وقت طلوع القمر يعني حتى وهي مش موجودة نورها منعكس - 00:08:51

على سطح صخري على القمر ووقت زهورها بوضوح وضح النهار. فاقسم بالنهار. ثم عندما تختفي بالليل ايضا اقسام حتى وهي مختفية. والليل اذا يغشاها في كل هذه الحالات الشمس موجودة حتى بالليل هي موجودة لكن الليل يغشاها - 00:09:14

زي ايه التقوى موجودة داخل كل نفس انسانية. ما ربنا قال لنا كده فالهمها فجورها وتقواها تزهري في اوقات وتختفي في اوقات اخرى عارفين ابو لهب؟ اهو ابو لهب ده فرح فرحا شديدا بمولد النبي صلى الله عليه وسلم. واعتق الامل راحت بلغته ثوبية -

00:09:35

اخبرته ان ان امانة زوجة اخوه آآ او يعني ارملة اخوه آآ ولدت فاعتقها ما فيش انسان كله شر. داخل كل انسان هناك القدرة على الفجور والقدرة على التقوى وربنا ييقسم على ذلك - 00:09:59

ناخذ مجموعة الاقسام اللي بعدها والسماء وما بناها والارض وما طحاها ونفس وما سواها يقسام بالسماء وما بناها يعني وبينانها قلنا الماء ما المصدرية اللي بيحي بعدها الفعل بيتقلب الى مصدر هو وما. ربنا ييقسم بالسماء وبينان السماء - 00:10:18

من بنى هذه السماء بالتاكيد حكيم. بالتاكيد قدير. بالتاكيد عظيم. يعني اه بنيان السماء بيثبت قدرة الله والارض وما طحاها طحاها يعني جعلها مستوية صالحة للزراعة وللإقامة عليها وللانتقال والسفر - 00:10:49

اذا هو الذي رفع السماء بغير عمد ترونها. وهو الذي طحى الارض وسواها وعطف ايه بقى على السماء والارض ونفس وما سواها يعني تسوية النفس دي مش امر عادي ولا امر سهل. دا امر معقد جدا - 00:11:09

ويحتاج الى قدرة ويحتاج الى حكمة والسماء وما بناها والارض وما طحاها ونفس وما سواها اقرأ كده بقى وشف تسوية النفس

كانت ازاى ونفسي وما سواها فالهمها فجورها وتقواها. هي دي التسوية. ان كل نفس جواها السيناريوهات - [00:11:32](#)

ثم يترك القرار للسائق كل نفس انسانية تتكون من جزء مرئي ومحسوس اللي هو الجسم ده وتتكون من جزء غير مرئي وغير محسوس وهو العقل اللي فيه العلوم والمعارف والمعلومات اللي عندنا - [00:12:00](#)

وطريقة التفكير في ناس بتفكر بطريقة صحيحة ناس بتفكر بطريقة غير صحيحة والقلب وهو مجموع مشاعر الانسان وما فيها من ايمان بالله وبالايوم الاخر ومن وعاء الشهوات والاهواء. يعني المزاج - [00:12:20](#)

القلب هو الملك. هو صاحب القرار. هو اللي هيحرك الجسد. هو اللي هيخلي الجسد يروح الكباريه او المسجد. القلب اللي بيحركه القلب هو الملك هو صاحب القرار هو القلب هو اللي هيحرك الجسد في اتجاه افساد الارض او اصلاح الارض - [00:12:41](#)

يعني القلب هو اللي بيقرر يمشي على اي سيناريو. سيناريو الفجور الموجود داخل النفس ولا سيناريو التقوى الموجود برضه داخل النفس القلب ده بيتنازعوا قوتين بيشدوه كل واحد بيشد من ناحية - [00:13:00](#)

قوة العقل الذي يعرف الصح والغلط ويفكر في العواقب وقوة الشهوات من الناحية الثانية مين اللي هينتزر ؟ العقل بالعلوم اللي فيه ومعرفة الحلال والحرام والصح والغلط ولق الشهوات اللي هتنتزر - [00:13:15](#)

اللي هينتصر هو الاقوى فيهم. الاقوى في السيطرة على القلب اللي عنده علاقة قوية بالقلب اكثر من الثاني هو اللي هينفز. هو اللي هيقتن القلب ياخذ القرار. مسلا تعالوا ناخذ مسال صلاة الفجر - [00:13:33](#)

لما بتبقى بقى صعبة اوي في الصيف كده الساعة اربعة صباحا مسلا لا انت لحقت تنام ولا انت الا بعد ما تصحى ومش عارف تنام يعني فالمنبه بيضرب ويبدأ صراع بين شهوة حب النوم - [00:13:48](#)

وحب الكسل والدعى والراحة وبين المعلومات اللي في العقل اللي بتقول لك حرام ما ينفعش ما تصليش. لازم تقوم دي فريضة ده وقت مبارك جدا اللي بيقيم يصلي فيه بيبقى في ذمة الله حتى يمسي. وتبدأ الافكار والمعلومات تضغط على القلب من ناحية عشان يقوم عشان يقول الجسد قم فز - [00:14:03](#)

من السرير وبين شهوة الراحة والكسل وحب النوم اللي بتضغط على القلب. من الناحية الثانية عشان يخطط المنبه يطفيه وينام مين اللي هيكسب لو الايمان اللي في القلب باهمية اللحاق بالصلاة ضعيف - [00:14:26](#)

القلب هيستسلم للشهوة ويفوت صلاة الفجر لو الايمان اللي في القلب قوي سينصر العقل على الشهوة ويسمع كلام العقل ويقفز من السرير علشان يصلي والدليل على ان الايمان هو اللي بيحدد - [00:14:46](#)

هو ان نفس الشخص ده اللي بينامو مش بيقدّر يقوم يصلي الفجر الساعة اربعة الصبح هو هو لو عنده طيارة الساعة اربعة الصبح في المطار هيقوم من النوم دون تردد - [00:15:08](#)

وبيلحق الطيارة. طب ليه شهوة حب النوم لم تنتصر المرة دي لان ايمانه باهمية اللحاق بالطائرة اقوى من ايمانه باهمية اللحاق بصلاة الفجر ايمانه باهمية اللحاق بالطائرة اكيد اقوى من شهوة النوم - [00:15:20](#)

بس شهوة النوم تغلبت على الايمان باهمية صلاة الفجر. يبقى اهمية اللحاق بالطائرة عنده اهم او اكبر من اهمية اللحاق بصلاة الفجر ما قدروا الله حق قدره ممكن يغضب ربنا - [00:15:41](#)

بس ما يغضبش مصر للطيران الله اصل التزكرة بعشرين الف جنيه. طب وصلاة الفجر بكم يبقى حضراتكم كل اللي عليكم بعد ما فهتم اهمية شحن القلب بالايمان علشان تنتصروا على شهوات الجسد - [00:16:00](#)

انكم تعملوا ايه اللي في الاية تسعة والاية عشرة قد افلح من زكاها وقد خاب من دساها يجب اننا نشغل في التزكية من زكاها والتزكية من الزكاة والزكاة هي خليط بين الطهارة والنماء - [00:16:21](#)

الزكاة هي التطهير والتنمية في نفس الوقت. تخيلوا بقى لما ربنا يسمي زكاة المال اللي انت بتخرج فيها من مالك يعني لو انت عندك ميت الف بيصبحوا سبعة وتسعين ونص - [00:16:46](#)

يعني بالارقام الفلوس نقصت دي اسمها زكاة اللي انت عملته دي يعني طهرت ونميت الفلوس لميتها ازاى اذا كان المية بقوا سبعة

وتسعين ونص ايوه ما هو المية كانوا حرام كلهم - 00:17:01

لو ما كانش الاتنين ونص طلوعوا المية كلهم بقوا حرام بقوا ما فيش فيهم بركة. فلما انت طهرتهم من حقوق الاخرين اللي لو انت انتظرت بعد يوم الزكاة وما دفعتهاش اصبحت لص سارق لحقوق الفقراء - 00:17:17

فاصبح في الحالة دية انت نزعت منهم البركة. لكن لما انت طهرتهم انت باركتهم. فانت نميتها وطهرتها المية اللي كت هتصرفهم على دكاترة وادوية ومستشفيات وتصلح سيارات هتصرفهم على نفسك هتصرفهم وهتبقى سعيد جدا - 00:17:36

لأنك طلعت اتنين ونص في المية للفقير والعريان والجائع فهمت بقى ازاى بيكون فيه فلوس فيها بركة او فلوس ما فيش فيها بركة قد افلح من زكاها يعني قد افلح من طهر نفسه من امراض القلوب - 00:17:56

من الكبر من الغرور من الغضب من الحقد من الحسد من الانانية. كل ده بيبجي بالمجاهدة وبالرياضة. الرياضة اللي هي الرياضة النفسية. يعني ترويض النفس. الرياضة من ترويض النفس. النفس زي الحصان الجامح. الحصان - 00:18:16

عمرك ما حد ركب عليه بيسموه الحصان البري ده بيحتاج ترويض ويبركبوا عليه بالعافية وبيشدوه بالاشيطان يعني بالحبال الكبيرة لغاية ما يتروض ويبقى تأليف ويستأنس النفس جامحة كده. لابد الانسان يروضها - 00:18:36

وقد خاب من دساها خيبان التدسية عكس التزكية. التزكية تطهير يبقى التدسية توسخ النفس اذا تركتها دون تزكية هتتوسخ لوحدها. هي اي حاجة بتتساب كده لوحدها تتوسخ. محتاج بعد كده نقعد ننصفها ونشيل التراب اللي عليها ونشيل المش عارف ايه - 00:18:53

المؤثرات بتاعة المجتمع والتلفزيون والاعلام كافية جدا انها توسخ انصف نفس اذا صاحبها اهملها ولم يزكها لذلك النفس اما نفس. ركز معي بقى اماره بالسوء يعني تأمر صاحبها بالكفر او بالمعاصي - 00:19:17

وده لان الشهوات اقوى من مستوى الايمان في القلب فالشهووات بتطغى على القلب. وتصبح الشهوات متغلغلة في المشاعر بتاعة القلب فتصبح دي نفس اماره بالسوء تأمر كل شوية تعالى نروح للحتة الفلانية. تعالى نشرب البتاع ده تعالى نجرب اللي مش عارف ايه - 00:19:40

تأمر بالسوء او تبقى نفس لوامة. مستوى الايمان فيها قوي في المشاعر اللي عند اللي في القلب. فكلما اه اه سمعت وسوسة من النفس الامارة بالسوء او من الشيطان ضغطت احدى الشهوات على القلب في نفس الوقت - 00:20:01

يقوم العقل يلوم ولا عيب. ده لأ ما ينفعش. دي ده ما يتعملش غير بعد الجواز. لأ ده ما ينفعش ده لما نشغل ونجيب فلوس نقدر نجيب الحاجة دي. لكن مش هنسرق فلوس. لكن - 00:20:21

نفس الامارة بسوق طب رح اسرق واعمل وهكذا هذا الامر مهم جدا ان الانسان باستمرار يكون متيقظ لمسألة الشهوات. ازاى؟ بانه يدعم النفس بتاعته بالايمان الايمان هو بالذكر ذكر الله هو اللي بيشحن الايمان في القلب - 00:20:34

وذكر الله ثلاث انواع اساسية. نمرة واحد القرآن بتدبر اتنين الصلاة بخشوع ثلاثة الاذكار والدعاء والمناجاة. الحاجات دي اساسية جدا عشان نشحن بها القلب بالايمان فلما القلب ينشحن بالايمان يقدر يقف في مواجهة الشهوات. اخر نوع هو النفس المطمئنة - 00:20:56

اللي في سورة الفجر الصورة اللي فاتت ربنا ناداها في اخر السورة يا ايته النفس المطمئنة ارجعي الى ربك راضية مرضية. فادخلي في عبادي وادخلي جنتي النفس المطمئنة اللي هي اعلى درجة اللي هي خلاص اصبحت الشهوات زي العيل الصغير اللي ماشي - 00:21:23

ماسك ايد ابوه او امه بيسمع الكلام يمين يمين شمال شمال خلاص سيطرت تماما ثم بعد كده الصورة خاطبت اللي سمع الكلام ده من الكفار من قريش وقالت لهم ان السبب تكذيب ثمود لنبيهم. رغم انهم شافوا اية حسية كبيرة جدا. وهي معجزة الناقة - 00:21:54

اللي خرجت من الصخر وكانت تسقي القوم كلهم قبيلة كبيرة جدا كانت الناقة دي لوحدها بتسقيهم لبن لوحدها بشرط انها تترك تشرب يوم وهم وبهايمهم يشربوا يوم لكن في اليوم اللي تشرب فيه هم ما يروحوش يسقوا عندها - 00:22:21

ويتركوها ترعى في ارض الله دون ان يضايقها احد. ده كل ده الشرط الوحيد ومقابل ذلك هي بتسقي الناس كلها لبن لوحدها ومع ذلك راحوا شجعوا واحد بلطجي مجرم انه يقتلها - [00:22:40](#)

بقى معي من الاية حذاشر كذبت ثمود بطغواها ده مثال للناس اللي اتخذت طريق الفجور بدلا من طريق التقوى كان ممكن ثمود لما شافت المعجزة تؤمن وتخشى الله وتتبع النبي نبي الله صالح - [00:22:57](#)

عليه السلام. لكنهم عملوا العكس كذبوا النبي وكذبوا ليه بطغواها بسبب الطغيان. كذب الثمود بسبب طغواها. بسبب الطغيان. بطغواها.

طغيان ايه طغيان الشهوات طغيان الشهوات على القلب القلب اللي الايمان فيه ضعيف او مش موجود - [00:23:18](#)

طغيان الشهوات على الرغبة في الوقوف مع الحق ايه اللي حصل؟ اذ انبعث اشقاها اكبر بلطجي فيهم واكبر طاغية فيهم. تجرأ على

قتل الناقة اللي ربنا سلها لهم انبعث تدل على انه حتى لو قتلها لوحده فهو كان بيمثلهم كلهم ده المبعوث بتاعهم - [00:23:46](#)

ده الممثل بتاعهم انه ما كانش ممكن يقتل يقتل الناقة الا بتشجيع منهم فقال لهم رسول الله ناقة الله وسقياها سيدنا صالح قال لهم

ناقة الله اضاف الناقة للفظ الجلالة - [00:24:12](#)

قال ناقة الله لتعظيم الجريمة. جريمة ايذاءها. مع ان احنا بنسميها ناقة صالح قصة سيدنا صالح لكن هو بقى سماها ناقة الله لتبشيع

الجريمة بتاعة قتلها هي ناقة الله وكل المطلوب هو انكم تتركوها تشرب في يوم - [00:24:34](#)

وانتم تشربوا يوم تقوموا تازوها فتدبرنا في سورة الاعراف لما سيدنا صالح قال لهم هذه ناقة الله لكم اية اعتذروها تأكل في ارض

الله ولا تمسوها بسوء فياخذكم عذاب اليم. ومع ذلك الكبر اللي جعلهم يكذبوا رسولهم - [00:24:54](#)

والنفس الامارة بالسوء اللي غزتها شهوة الكبر وحب السيطرة هي اللي جرأتهم. عملوا ايه بقى؟ اقرا معي الاية اربعتاشر وخمستاشر

فكذبوه فعقروها. فدمدم عليهم ربهم بذنبهم فسواها. ولا يخافوا عقباها - [00:25:18](#)

كذبوا سيدنا صالح وعقروا الناقة والعقر هو الاصابة في احد الارجل فتقع الناقة على الارض فيذبحوها. لان الجمال طويلة وعالية.

فكان زمان يعملوا كده يعقروها فتقع على الارض وبعد كده لما تنزل على ركبها يدبحوها. لكن الاسلام جه ابطل هذه الطريقة وشرع

طريقة اخرى ارحم في الذبح بالربط ربط الرجل اليسرى كده ويقوم قاطع - [00:25:38](#)

اللب اللب اللي هي الزور اللي هو فيه المريء والبلعوم والعرقين. عرق الدم الفاسد وعرق الدم النظيف اللي هو الاورطي ودي ارحم

طريقة بالناقة ويكون في مكان كبير وما يكونش قدامنا ونق اخرى وكده. فكذبوه فعقروها - [00:26:02](#)

فدمدم عليهم ربهم بذنبهم فسواها فدمدم عليهم ربهم بذنبهم فسواها ولا يخاف عقباها يعني

ايه بقى؟ سوى بهم الارض. سوى بثمرود الارض. يعني اهله اهلكهم. فماتوا واصبحوا هم والارض واحد - [00:26:19](#)

ولا يخاف عقباها. هم ماتوا بالصيحة. لكن حصل شيء ودفنوا تحت الارض دفنوا. ربنا يعني ربنا ارسل من يدفنهم او يدفنهم بطريق ما

لكن دفنوا ولا يخاف عقباها. ده تعبير - [00:26:50](#)

عن اللي بيقول دون ان يهتم بالعواقب. زمان كان فيه حاجة اسمها الثأر ولحد النهاردة في الصعيد عندنا. فكان لو حد قتل يخشى بعد

كده من الثأر. فبعض الناس في الصعيد عندنا اللي عليهم تار ما بيناموش اصلا من الخوف لان ممكن في اي وقت يقتل - [00:27:05](#)

انما لما نتكلم عن شخص قوي وعنده حراسة ولا احد يجرؤ ان يحاول يضره او ينتقم منه بنقول ايه؟ قتله ولا يخاف عقبة يعني مش

فارق معه يعني ربنا قتلهم كلهم ولم يعبأ بهم. ده تفسير جمهور المفسرين لكن بامانة - [00:27:22](#)

انا اعجبني جدا فتح يعني اعتقد ربنا فتح على الدكتور بسام جرار بتفسير افضل الحقيقة قال لك مش الله اللي يقول عن نفسه انه لا

يخاف عقباها يعني يعني غير لائق - [00:27:44](#)

اللي لا يخاف هو اللي يبجي بعدهم عقباها يعني عقبة ثمود اللي يبجي بعدهم في الديار دية لا يخاف يعني ايه؟ يعني اي امة تأتي

بعدهم او اي ناس تمر بديارهم لا تخاف من الاصابة باي مرض او تلوث او اي شيء - [00:28:01](#)

لان ربنا استوى بهم الارض ودفنوا بطريقة تمنع تلوث الهواء وتمنع تلوث التربة. لذلك لما النبي عليه الصلاة والسلام مر بديار ثمود

وقفوا فيها ويزهر خدوا يعني استريحوا فيها وامر الصحابة بعدم الشرب من الابار اللي هناك - [00:28:22](#)

بل لما عرف ان في عجينة عجن بالماء ده امر بكب العجين وعدم اكله خلي بالك فلذلك اعتقد ولا يخاف عقباها يعني اللي يمر من هناك ما يخافشي هو اصلا متسوي بهم الارض. ماشي؟ وهناك قراءة اخرى بقى. قراءة يعني قراءة - [00:28:42](#)

ثلاثة من الائمة الكبار منهم الراوي ورش عن نافع فرأى ورش فلا يخاف عقباها. مش ولا يخاف عقباها الفاء هنا بتعلل ليه لا يخاف عقباها. لانه سواها خدت بالك؟ لانه سوى بهم الارض فعشان كده لا يخاف عقباها. فلا يوجد تلوث ولا يوجد اشعاع ولا يوجد اي شيء من دواء - [00:29:00](#)

الواو كانت مجرد عطف انه سواها ولا لا يخاف عقباها. دون ان يقول ليه؟ انما الفاء بتعطي معنى ايه ايه واضح جدا ان السبب عدم الخوف من عقباها او عدم خوف عقباها هو ان تم التسوية. طيب - [00:29:29](#)

الصورة اولا قوية جدا طبعاً. انا عايز اقول لكم على حاجة بقى منكم ناس شاطرين جدا احنا بنسميهم كده في مصر ايه سوسة. يعني ايه زي اللي هم العيال الشاطرة اللي في المدرسة وفي الجامعة اللي بيعملوا الواجب كويس وبيعملوا الواجب ويزاكروا ويحضروا الدرس قبل - [00:29:47](#)

يتاخذ والكلام ده. ففيكم ناس كده شاطرين وسوسة كده بيتدبروا السور قبل ما انا اتدبرها معكم عشان يستفيدوا ودول بسرعة اعتقد ان دول اكثر ناس بتستفيد. هو عارف ان انا النهاردة هدي صورة الشمس فيتدبر هو سورة الشمس الاول - [00:30:06](#)

اغششكم بقى حته الناس اللي بتعمل كده قبل ما تتدبروا سورة الليل النهاردة اللي احنا هنديها بكرة تدبروها وحدها الاول ثم ارجعوا تدبروها ثاني في ضوء السورتين اللي قبلها. الشمس والبلد - [00:30:22](#)

ستجدوا حاجات غريبة جدا وكأنها سورة واحدة هم الثلاثة وبيسلموا بعض اخونا شعبان من فرنسا سألني من امبارح واول امبارح هو ليه الجزء الثلاثين فيه كثافة شديدة من الاقسام كده - [00:30:38](#)

ربنا بيقسم في معزم السور. ومش بقسم واحد احيانا بيقسم بخمس اقسام وست اقسام وسبع اقسام. ليه؟ ليه في كثافة شديدة في مسألة القسم في الجزء ده خاصة مش هقول لكم ليه. فكروا ليه واكتبوا لي في التعليقات وخلينا بنناقشها المرة الجاية ممكن بكرة ان شاء الله. بارك الله فيكم وجزاكم الله خيرا - [00:30:59](#)

كده تم تدبر سورة الشمس بفضل الله وغدا آآ نتدبر سورة الليل اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا - [00:31:20](#)

فيما تحب وما زويت عنا مما نحب فاجعله فراغا لنا فيما تحب. اللهم اجعل حبك احب الينا من اهلينا واموالنا من الماء البارد على الظمأ اللهم حبيبنا اليك والى ملائكتك وانبيائك ورسلك وعبادك الصالحين - [00:31:36](#)

واجعلنا ممن يحبك ويحب ملائكتك وانبيائك ورسلك وعبادك الصالحين. اللهم احي قلوبنا بحبك واجعل لك كما تحب. اللهم اجعلنا نحبك بكل قلوبنا. ونرضيك بكل اجسادنا. اللهم اجعل حبا كله لك وسعيك - [00:31:55](#)

كان كله في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا مغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا. اللهم فاطر السماوات والارض عالم الغيب - [00:32:15](#)

شهادة انت تحكم بين عبادك فيما كانوا فيه يختلفون وبحق كل حرف في كتابك تلونه او تدبرناه اكفنا واهلينا واخواننا واخواتنا شر كل من يكيد لنا ولهم واحفظنا واياهم من شرورهم ونجعلك اللهم في نحورهم. فانت الوكيل ولا حول ولا قوة الا بك - [00:32:38](#)

اللهم بحق كل حرف في كتابك تلونه او تدبرناه. ايد بنصرك المرابطين في الارض المباركة فلسطين. وكن مع اخواننا في في تركستان الشرقية وفي الشام وفي كشميرا وفي الهند. وانصر كل من نصرهم واخذل كل من خذلهم وظهر المسجد الاقصى من الدنس فانهم لا - [00:33:02](#)

اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من مريضاً به او حاملاً له فالبسه ثوب الصحة والعافية عاجلاً غير اجل. ومن لم يصب به فيقيه شره وابعده عنه - [00:33:22](#)

ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت

يا ربنا على طاعتك. وتوحد حدث على دعوتك وتعاهدت على نصره شريعتك. فوثق اللهم رابطتها. وادم ودها واهدها سبلها -

[00:33:42](#)

املاها بنورك الذي لا يخبو. واشرح صدورها بفيض الايمان بك. وجميل التوكل عليك. واحيها يا ربنا بمعرفتك. وامس فيا مولانا على

الشهادة في سبيلك انك نعم المولى ونعم النصير. والسلام عليكم ورحمة الله وبركاته - [00:34:08](#)

نراكم غدا باذن الله في نفس هذا الموعد ان كنا من اهل الدنيا - [00:34:28](#)